



Sermon
Kxf. Numlaajtsheb Yaaj


“Kovyeej Txojkev Xyemxyav”

Second Sunday of Easter
Our Savior and St. Michael’s Lutheran Church
4-8-18

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Yauahas 20:25 “So the other disciples told him, “We have seen the Lord!” But he said to them, “Unless I see the nail marks in his hands and put my finger where the nails were, and put my hand into his side, I will not believe it – *Cov thwjtim qhia rau nws haistias, “Peb twb pom tus Tswv lawm.” Tiamsis nws hais lawv haistias, “Yog haistias, kuv tsis pom cov qhov ntsia hlau ntawm nws ob txhaistes thiab tsis tau muab kuv tus ntvtes xuas lub qhov ntsia hlau thiab yog kuv tsis tau xuas lub qhov uas lawv nkaug nws sabtav mas kuv yeej tsis ntseeg li.”* Nov yog tus Tswv Txojlus. (Cross reference – Nkauj Qhuas Vajtswv 22:16, Malakaus 16:11, 13; 16:14, Yauhas 20:20, 27)

Illustration “Doubt” (Show picture of doubts?)



Koj yuav ua li cas koj thiaj li yuav kovyeej txojkev xyemxyav hauv koj lub neej? Nej nrog rau lwmtus tibneeg yuav teb haistias, “I don’t have any – *Kuv yeej tsis muaj li.*” Qhov tseeb tiag txhuatus tibneeg yeej muaj txojkev ua xyemxyav hauv nws lub neej uas nws rov nug nws tus kheej haistias, nov yog qhov tseeb losyog qhov cuav? Peb tibneeg yeej tseem niajnub muaj txojkev xyemxyav haistias, “Is my wife faithful, is my husband faithful, is my son or daughter being into drugs or gangster – *Kuv tus pojniam puas muaj kev ncajncees, kuv tus txiv puas muaj kev ncajncees, kuv tus tub tus ntxhais puas siv yeeb siv tshuaj tsis raug cai losyog mus koom nrog tej pab laib?* (Show doubt resurrection)



Peb ua neej nyob, peb niajnub niajmo ntsib txojkev simsiab dagntxias kom peb yuavtsum tig tsis txhob ntseeg thiab cia siab rau peb tus Tswv Cawmseej Yexus Khetos “Sawv Ntawm Txojkev Tuag” thiab muaj sia zees nyob ua tus Tswv kav ibpuas tsav yam saum ntuj thiab hauv ntiajteb no.

I. Lub limtiam dhau los no, peb ua koobtsheej txog peb tus Tswv Cawmseej Yexus Khetos sawv ntawm txojkev tuag. (Show doubting Thomas)



Yexus twb los tshwm rau cov thwjtim pom, lawv hais qhia rau Thaumas, tiamsis Thaumas tsis ntseeg haistias Yexus sawv ntawm txojkev tuag lawm tiag. Thaumas tsis ntseeg vim Thaumas twb pom kiag Yexus raug ntsia saum ntoo khaublig thiab tuag lawm. Nws paub tias tsis tau muaj leejtwg sawv rov los ntawm txojkev tuag li. Loos txojkev muab tibneeg ntsia saum ntoo khaublig li yog lub txim phem kawg nkaus. Thaumas thiaj li hais rau nws cov phoojywg haistias, “*Yog haistias, kuv tsis pom cov qhov ntsia hlau ntawm nws ob txhaistes thiab tsis tau muab kuv tus ntvtes*

xuas lub qhov ntsia hlau thiab yog kuv tsis tau xuas lub qhov uas lawv nkaug nws sabtav mas kuv yeej tsis ntseeg li.” (Yauhas 20:25)

Thaumas yeej muaj cai ua kev xyemxyav vim Thaumas pom Yexus txojkev raug ntau, nplaum, tsimtxom txojkev txomyem kawg nkaus. Thaum kawg nws pom Yexus raug ntsia kiag rau saum tus ntoo khaublig tiag tuag. Yog tus tibneeg tuag lawm, tus tibneeg yuav ua li cas sawv rov los muaj sia. Txhuatus tibneeg uas tau tuag yeej tsis tau muaj ibtus twg uas sawv rov los li. Yog li ntawd, Yexus yuav ua li cas rov muaj sia. (Show Jesus talking to his disciples)



Thaumas nco haistias, Yexus hais rau cov thwjtim haistias nws yuav mus ib qhov chaw. Thaumas thiaj li nug Yexus haistias, “*Lord we don’t know where you are going, so how can we know the way – Tus Tswv peb tsis paub haistias koj yuav mus qhovtwg, yog li ntawd peb yuav ua li cas paub mus?*” (Yauhas 14:5) Qhov tseemceeb tiag, Thaumas totaub haistias, Yexus yuav mus tiamsis Yexus yuav rov los nrog lawv nyob. Tiamsis Thaumas tsis pom Yexus mus ho nws pom Yexus raug ntes, koj mus txiavtxim, thiab raug mus ntsia saum tus ntoo khaublig kom tuag.

Thaumas txojkev ua xyemxyav tsis totaub haistias, Yexus tuag lawm yuav ua li cas Yexus rov muaj sia. (Show Jesus flogging & nailing video)



The Scouring - Jesus Christ - YouTube - 1.08 Min..wmv




11 - ELEVENTH STATION Jesus is nailed to the Cross - YouTube - 1.09 Min..wmv

Thaumas pom haistias, Yexus raug nplawm. Txojkev nplawm no yog cov tubrog Loos muab txojhluas tawv khi rauv cov pobtxha losyog tej daim hlau. (Show different pictures of Jesus suffering)



Thaum koj nplawm mus raug tus tibneeg ntawd ces tus tibneeg ntawd ces cov hlau ntawd tsawv nkaus cov nqaij thiab dua kiag kom cov nqaij ntawd ntuag kiag tej thooj tej thooj tawm los. Nov yog xua txojhluas los nplawm thiab nplawm kom tus tibneeg ntawd tej nqaij to tag. Cov ntsia hlau ntev li 5-8 inch uas yog cov ntsia laug qub thiab xeb lawm coj los ntsia koj txhais tes thiab tej taws leeg mos kom txiav thiab txwv tsis pub cov ntshav dhia mus rau lwm qhovchaw. Thaum cov ntshav mus tsis tau tus tibneeg lub cev ua rau tus tibneeg mob tus leeg thiab cov ntshav yuav ua rau tus tibneeg tuag los ntawm “blood poisoning – *ntshav lom.*” (Show spearing Jesus side – blood and water)



Tiamsis thaum Yexus tuag yog los ntawm thaum cov tubrog Loos muab tus hmuov nkaug Yexus sab phabthav. Cov ntshav los txeem Yexus lub “Pericardiam – *cov nplooj qhwv lub plawv.*” Thaum tus hmuov mus nkaug raug qhov no lawm cov ntshav thiab dej thiaj li tawm thiab ua rau Yexus tuag. Thaum Thaumas pom Yexus tuag li no thiaj li ua rau Thaumas muaj txojkev xyemxyav haistias, Yexus yeej tsis sawv rov los muaj sia nyob, vim Yexus twb tuag lawm.

Tiamsis cov thwjtim qhia rau Thaumas haistias lawv twb pom Yexus sawv lawm.


II. Thaumas ua xyemxyav vim nws xav pom kiag ntawm nws lub qhovmuag haistias Yexus muaj sia lawm tiag. (Show looking for proof)



Lolus “proof – *povthawj*” txhais tau haistias yog koj tsis muaj povthawj losyog pom kiag qhov tseeb ces koj hais tsis tau haistias muaj tseeb tiag. Yog li ntawd, Thaumas thiaj li haistias, “Unless I see the nail marks in his hands and put my

finger where the nails were, and put my hand into his side, I will not believe it – *Yog haistias, kuv tsis pom cov qhov ntsia hlau ntawm nws ob txhiastes thiab tsis tau muab kuv tus ntivtes xuas lub qhov ntsia hlau thiab yog kuv tsis tau xuas lub qhov uas lawv nkaug nws sabtav mas kuv yeej tsis ntseeg li.*” (Yauhas 20:25). (Show scientific method)

The Scientific Method as an Ongoing Process




Thaumas xav kom muaj povthawj raws li tej scientific qhia haistias yog koj yuav pom kiag haistias muaj qhov tseeb lawm mas yuavtsum muaj povthawj thiaj li suav tau haistias nws muaj tiag. Peb tibneeg zoo sisthoj li Thaumas vim peb tseem muaj txojkev ua xyemxyav tsis ntseeg qhov tseeb tias Yexus sawv ntawm txojkev tuag lawm tiag. Ntau zaug peb ua xyemxyav haistias saib Vajtswv puas hlub peb. Peb ua xyemxyav haistias Vajtswv puas pab peb thaum peb xav tau kev pab. Peb ua xyemxyav haistias puas muaj Vajtswv tiag los tsis muaj? (Show Faith or Doubt)



Ntau zaug peb nug lolus li Thaumas nug haistias, “unless – *yog haistias.*” Tus Tswv yog haistias koj tsis pab kho kuv qhov mob ces koj tsis hlub kuv lawm. Tus Tswv yog haistias koj tsis pab kom kuv muaj nyiaj ces koj tsis hlub kuv lawm. Tus Tswv yog haistias koj tsis pab kom kuv thiab pojniam txojkev ua txijnkawm kom zoo ces yog koj tsis hlub kuv lawm. Peb niajhnub siv lolus “unless – *yog haistias*” peb xav kom Vajtswv nyob nrog nraim ntawm peb ibsab thiab pab peb txhua lub sijhawm. Peb xav pom kiag qhovtseeb uas yog povthawj ntawm peb lub qhovmuag. Peb xav kom

Vajtswv yuavtsum ua li peb lub siab heev duas vim haistias yog Vajtswv tsis ua li ntawd ces peb yuav tsis ntseeg. Peb txhuatus yeej muaj txojkev xyemxyav vim thaum peb raug txojkev nyuajsiab ntxhovplawv, peb muaj kev xyemxyav thiab xav kom Vajtswv cia li teb kiag peb tamsim ntawd.

Cov kwvtij hlub thiab movtshua, Yexus hais rau koj, kuv thiab rau peb txhuatus kom peb yuavtsum tseg kiag txojkev ua xyemxyav. Cia li ntseeg thiab cia siab rau Nws ua koj tus Tswv Cawmseej. Koj yuavtsum totaub haistias kovyeej txojkev xyemxyav tsis yog yuavtsum pom kiag ntawm lub qhovmuag tiamsis yog los ntawm txojkev ntseeg. Tus uas tsis tau pom yuav ntseeg nyuaj kawg nkaus tiamsis tus uas muaj kev ntseeg yeej tsis nyuaj li. (Show Thomas believing)




Thaumas kovyeej txojkev ua xyemxyav li cas? Thaum Thaumas pom qhov tseeb lawm, Thaumas haistias, “..... My Lord and my God – *Kuv tus Tswv thiab kuv tus Vajtswv.*” (Yauhas 20:28). Thaum Thaumas lees tias Yexus yog nws tus Tswv thiab tus Vajtswv nov yog los ntawm txojkev ntseeg. Ntawm Yexus cov thwjtim, Thaumas tibleeg thiaj li hu Yexus ua Vajtswv. Kev ntseeg yuavtsum yog txojkev sibraug zoo nrog Vajtswv ntawm koj txojkev cia siab rau tus uas kav ib puas tsavyam.

III. Koj ntseeg tus Vajtswv zoo li cas? (Show are you a true believer of God?)




Koj puas yog ntseeg tus Vajtswv uas koj yuav yuam kom nws ua raws li koj lub siab nyiam losyog koj ntseeg tus Vajtswv uas ua tau txhuayam los ntawm koj txojkev ntseeg? Koj puas yog ntseeg tus Vajtswv uas koj yuavtsum tau siv lolus “unless – *yog haistias*” losyog koj ntseeg tus Vajtswv uas twb xub paub yam uas koj xav tau ntawd uantej lawm? Vajtswv tsis tas yuavtsum ua kom haum koj siab li. Nws tsis tas yuavtsum muab povthawj qhia rau koj haistias nws raug ntsia nws txhais tes thiab taw. Tiamsis vim los ntawm nws txojkev hlub nws qhia nws txojkev hlub

rau los ntawm Yexus Khetos uas yog peb tus Tswv Cawmseej. (Show doubting Thomas)



Thaumas yog Yexus tus thwjtim uas tau lub npe “Doubting – *Xyemxyav*” vim nws yuavtsum pomkiag Yexus tej tes raug ntsia nthawv ntsia thiab Yexus sab tav raug hmuov nkaug thiab Yexus rov muaj sia nyob lawm Thaumas mam li ntseeg. Kovyeej txojkev xyemxyav yeej tsis nyuaj li. Kovyeej txojkev xyemxyav ces yog cia siab rau Vajtswv txhua lub sijhawm hauv koj lub neej. Koj yeej tig tau rau ntawm Vajtswv, koj tsis tas tseem pheej yuav xav losyog ua xyemxyav li lawm. Koj tsis tag yuav pom kiag ntawm koj lub qhovmuag rau ntawm txojkev ntseeg. Vim Yexus txoj koobhmoov twb puvnpo rau koj lawm. (Show Romans 8:32)



Tus Thwjtim Paulus thiaj li sau haistias, “He who did not spare his own Son, but gave him up for us all—how will he not also, along with him, graciously give us all thing – *Nws tsis khuvxwm nws tibleeg Tub, tiamsis nws pub los rau peb txhuatus – nws yuav tsis ua li cas, nrog nws, ua siab dawb muab rau peb txhuayam.*” (Loos 8:32). Txojkev xyemxyav peb txhuatus yeej yuav ntsib nyob rau hauv peb lub neej. Lolus nug yog saib koj yuav ua li cas thaum koj muaj txojkev xyemxyav? Koj yuav cia kom nws ua kom koj puamtsuaj lov? (Show Peace be with you)



Cov kwvtij, kovyeej txojkev xyemxyav yog cia peb muab peb txojkev xyemxyav ntawd tso rau ntawm peb tus Tswv Cawmseej Yexus Khetos. Yexus twb kovyeej ib puas tsavyam lawm thaum Yexus haistias, “...Peace be with you – *...Kev haumxeeb nrog nraim nej.*” (Yauhas 20:26). Cia peb sawvdaws kovyeej txojkev xyemxyav los ntawm txojkev kajsiaab kev haumxeeb rau ntawm Vajtswv lub siab hlub nrog rau txojkev hlub mus ibtxhis thiab ibtxhis. Yexus sawv ntawm txojkev tuag yeej yog qhov tseeb lawm, yog li ntawd koj tsis txhob muaj qhov “unless – *yog haistias*” ntxiv lawm. (Show John 20:29))



Yexus haistias, “Blessed are those who have not seen and yet have believed – *Tus uas tsis tau pom kuv tiamsis nws ntseeg tus ntawd tau koobhmov.*” (Yauhas 20:29). Yexus taw peb kev rau ntawm txojkev sawv ntawm kev tuag kom peb tsis txhob muaj txojkev xyemxyav ntxiv li lawm. Vim kovyeej txojkev xyemxyav twb yog ntawm Yexus Khetos. Cia li nyob kajsiaab lug tsis txhob txhawj, tsis txhob ntshai, vim koj muaj “peace – *txojkev haumxeeb*” uas Yexus tseg rau koj mus ibtxhis thiab ibtxhis. Asmees.

Thov kom Vajtswv Txojlus pub rau peb sawvdaws totaub thiab tau nyob kajsiaab lug rau ntawm peb tus Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.